

ЯВЯФИСТ И СЛУЖБА
ПРЕПОДОБНОМУ ТРИФОНУ
ПЕЧЕНГСКОМУ ЧУДОТВОРЦУ

ПРЕПОДОБНЫЙ ТРИФОН ПЕЧЕНГСКИЙ ЧУДОТВОРЕЦ

ДНИ ПАМЯТИ

15/28 декабря –
день блаженной кончины в 1583 году

1/14 февраля –
день именин в постриге
(постриг в 1531 году,
на память мученика Трифона)

В третью неделю по Пятидесятнице –
в Соборе Новгородских святых

21 мая / 3 июня –
в Соборе Карельских святых

1-е воскресенье после 29 июня / 12 июля –
в Соборе Тверских святых

19 октября / 1 ноября –
в Соборе Архангельских святых

ТРОПАРЬ

преподобному Трифону Печенгскому, глас 4:

От мятѣжа мирскаго в пустыню удалился еси, / к немерцающему Свету притекая, / и слез твоих теченьми, отче Трифоне, / пустыни северная возделал еси, / пощеньми и из глубины воздыханьми / чудес благодать от Бога прием, / монахов Печенжских родителю и лоплян апостоле, / моли Христа Бога // спаси души наши.

КОНДАК

преподобному Трифону Печенгскому, глас 8:

Все твоё умное желание к Богу вперив, / Того званью невозвратно от души последовал еси, / в пустыню конечную вселився и тамо ангельски и равноапостольне пожив, / многим путь был еси ко спасению, / великих царей Иоанна и Феодора Российских чудес удивил еси. / Сего ради и Христос ты прослави и даром чудес обогати. / Темже вси вопиём ти: радуйся, исповедниче Христа Бога нашего, // радуйся, обители твоей непоколебимое утверждение, Трифоне, отче наш.

ИИ ТРОПАРЬ

преподобному Трифону Печенгскому, глас 8:

Пути, вводящаго в жизнь, наставник и учитель был еси, подобне отче наш Трифоне: / पहले бо пришёл еси в часть Норвежския земли, / и в последних концах северная страны языки просветил еси, / породив водою и Духом Святым, / и священная твоя чада в бесплодней пустыни, / яко древа масличная, насадил еси, / велию обитель Святыя и Живоначальныя, Единосущныя и Нераздельныя Троицы создал еси, монахов множество собрав. / Тем, яко апостолом и пустынножителем равночестна

чтúще тя, / прилѣжно припадающе, вопиѣм: / моли́ всех Бóга за
Русскую зѣмлю, // за óбласть твою́ и за вся лю́ди, почитающия
па́мь твою́.

III КОНДАК

преподóбному Трифону Пѣченгскому, глас 1:

Правосла́вным смы́слом ю́ношская возжелѣния возненави́-
дев, / очисти́лся пока́нием и страстѣй отсечѣнием, / укре-
пѣвсь постóм, бдѣнием и моли́твами непрестáнными, / Святы́я
Трои́цы обитель воздвигл еси́, / и Пѣченжских иноцев чистых
Христóви представил еси́, / и, гóршее покорив́ лúчшему, сокру-
шил еси́ вы́я бесóм, / и постóм возсия́л еси́ в ми́ре. / Пáче сия́ния
со́лнечнаго твоя́ добродѣтели блиста́ют, / Земли́ Сѣверныя по-
хвало́, // преподóбне óтче наш Трифоне.

4

КРАТКОЕ ЖИТИЕ

преподобного Трифона Печенгского

Преподобный Трифон Печенгский родился в 1485 году близ
града Торжка в семье священника, получив в крещении имя
Митрофан.

Юноша отличался богатырским телосложением, исполин-
ской силой и отменным здоровьем. Судьба юного Митрофана
может послужить нам примером того, как потакание своим стра-
стям и похотям разрушает душу человека и толкает его на поги-
бельный путь. Дружинник Митрофан, обладающий особыми во-
енными талантами, во всепоглощающей страсти к борьбе, риску
и смерти превратился в разбойника-душегуба. Имя страшного
атамана стало наводить ужас на жителей финского пограничья
близ Каяно-моря (Ботнического залива). Позже он сам призна-
вался: «много народу ограбил и разорил на границе и много кро-
ви пролил».

Однако Господь не оставил Митрофана Своим попечением.
Пережив глубокое потрясение вследствие нечаянного убий-

ства своей горячо любимой возлюбленной – боярской дочери Елены, Митрофан бросил своих подельников и ушел «на край земли» – «на Приморие великого моря-окияна, в часть Норванския земли, в Кольский присуд, на реку Печеньгу, в народ лопарский».

Здесь он в покаянии и сокрушении сердечном обрек себя на пятилетние бесприютные скитания по диким, безлюдным пустыням Крайнего Севера, подвергая себя тяжким испытаниям, которыми так богата суровая северная земля. «Окрест реки Печеньги, бездомно и бескровно, по лесам и по горам, и в пропастях земных скитался, странствуя», «непрестанно во слезах и молитвах и в сокрушении сердца пометая себя в землю перед Богом».

Спустя пять лет, около 1519 года, Митрофан повстречал святого подвижника и духоносного старца Феодорита Кольского, явившегося тем носителем Божественного гласа, который открыл Митрофану его новое предназначение. Отныне не только личное спасение через покаяние и плач о своих тяжких грехах, но и сердечное сокрушение о лопарском народе, погибающем во «мраке тяжкого идолобесия», – удел отшельника Митрофана.

Здесь, на берегах Студеного моря-океана, вдохновенно и смело приступил Митрофан к оглашению лопарского племени и напрямую столкнулся со «злостью бесовской», с противодействием колдунов-нойдов. Однако проповедник не был оставлен Божественным попечением и сподобился многих чудесных дарований. «Преподобный же, от сонма их уходя, радовался, что за проповедь во имя Иисуса Христа воспринял биение и многое бесчестие».

Это был долгий и изнурительный труд просветителя Полночных земель, зачарованной Похьёлы. Древнее колдовское Лукоморье, нехотя и упорствуя, расставалось с языческим мраком безбожия: «В том благовестии святой муж доброго желания потрудился немало лет».

В 1533 году Митрофан, по благословению святителя Макария Новгородского, строит для лопарей первую церковь на месте, где в реку Печенгу впадает речка Мана. Здесь же он сам принимает постриг с именем Трифон, и вскоре при этой Свято-Троицкой церкви образуется первый лопарский монастырь. Лапландские аборигены нашли в лице преподобного Трифона благодатный пример жертвенной любви. Насколько старец с добротой и бесконечным терпением относился

к своим низкорослым чадцам, настолько этот богатырь и воин был непримирим и безжалостен к тем многочисленными непрошеным гостям, что приходили грабить и обижать его духовных детей.

В трудах, постах и молитве прошло шестнадцать лет жизни этой удивительной обители. Но вот, около 1549 года, «буйная» братия Кольского монастыря, недовольная строгостями устава, изгнала своего строителя игумена Феодорита и переместилась из Колы в устье Печенги. Под угрозой смерти от «лукавых людей» Трифон на восемь лет оказался вынужден уйти из монастыря. Однако свое попечение об оставшейся обители он не оставил, регулярно отсылая на Печенгу «на пропитание братии» собранные им пожертвования. В его отсутствие братия перенесла монастырь из Трифоновской пустыни в устье Печенги, где было удобнее заниматься масштабными промыслами и торговлей.

В 1556 году ходатайством преподобного Феодорита и чудесами, явленными Печенгским старцем при царском дворе, монастырь получает от Иоанна Грозного жалованную грамоту. Вместе с новым игуменом Гурием Трифон возвращается на Печенгу. Как и иные Кольские старцы, он принимает «за послушание» новые принципы взаимоотношения Церкви и государства и задачу строительства северных монастырей-крепостей.

Братия монастыря на Печенге была сложной и своенравной, в полной мере соответствующей страстным чертам юности своего отца-основателя. Тем не менее, являя пример смирения и мудрости, Трифон успешно воспитывает братию и создает мощный монастырь-крепость на северо-западных рубежах Московского царства.

Трифон скончался в декабре 1583 года в возрасте 98 лет. Перед смертью он оставил братии грозное пророчество о грядущей страшной беде, о разорении монастыря и о том, что «от острия меча умчатся многие».

Все исполнилось ровно через шесть лет. В декабре 1589 года при нападении отряда шведских финнов абсолютное большинство братии явило истинное, идущее даже до смерти, послушание своему игумену, запретившему устраивать побоище в церкви. В результате, стоя на коленях, все сто шестнадцать насельников монастыря вместе с игуменом Гурием приняли страшную смерть. По молитвам Трифона, они удостоились мученических венцов и наследовали райские обители, ибо через мученическую кончину Трифон «их Христу чистыми представил».

**МЕСЯЦА ДЕКАБРЯ В 15-Й ДЕНЬ
(28 ДЕКАБРЯ ПО Н. СТ.)
Святаго преподобнаго
и Богоноснаго отца нашего
Трифона Печенжскаго, просветителя лопарей**

НА МАЛОЙ ВЕЧЕРНИ

На Господи, возвах: **стихиры на 4, глас 5:**

Преподобне отче Трифоне, / пришед в край Лапландския
земли, / душу свою очистив и тело стягнув воздержанием, /
овако Святаго Духа обитель явил еси, / иже содея ты великаго све-
тильника, / просветившаго во мраце сущия языки полнощныя, /
и наставника монахов множества, / сего ради ныне сошедше-
ся, // велемудренно ты ублажаем. *(Дважды)*

Зиждителя обители на конце края полнощнаго / и крепкаго
наставника монахов ты почитаем, отче наш Трифоне, / твою
бо стезю войстину мнози право ходити познаша. / Блажен еси,
Христу угодниче и Ангелов собеседниче, / преподобных сопри-
частниче и праведных единомрауных, / с нимиже молися Госпо-
деви // помиловатися душам нашим.

Явился еси основание непоколебимое земли северныя, / бо-
гоблаженне, преподобне отче наш Трифоне, / войстину сна твоима
очима не дал еси, / ниже плоти твоея упокоения. / Божиею силою
укрепляемь, / связуя многая врагов ополчения, / над страстьми во-
царился еси; / темже попечение о пастве твоей приял еси / и оби-
тель чудную во имя Святыя Троицы создал еси, / Юже моли, препо-
добне, // даровати мир миру и душам нашим велию милость.

Слава, глас 6:

Приидите, монашествующих множество, днесь, / Трифона,
благочестия и братолюбия подражателя, / песньми и пень-
ми восхвалим, глаголюще: / радуйся, преславне Трифоне, зем-
ли полнощныя пресветлый светильниче; / радуйся, яко Троице
предстоиши со Ангелы, / Юже непрестанно моли спасти всех от-
челюбцев, // преизлиха ты почитающих.

И ныне, Богородичен, глас 6:

Богородице, Ты еси лоза истинная, / возрастившая нам Плод живота, / Тебе молимся: молися, Владычице, со святыми апостолами // помилovati души наша.

Прокимен дне. На стиховне стихиры, глас 6:

Иже древле оляденевшая неверных людей сердца / словесы твоими, блаженне Трифоне, возделал еси, / семя веры в них насадив, преподобне, / пустыню неплодную, яко град, соделав, / в ней множества монахов собрал еси / славити Многопетую Троицу, // Юже моли спастися душам нашим.

Стих: Честна пред Господем / смерть преподобных Его.

Богомудре отче наш Трифоне, / обитель во имя Живоначальная Троицы осуществовал еси, / аще бо и послежде ты новопросвещенная страна Кольская возрасти, / тамо монахов множества песнословят и правоверную веру хвалят, / покаряющиеся учением Христовым, // Егоже моли спастися душам нашим.

Стих: Блажен муж, бойся Господа, / в заповедех Его восхощет зело.

Егда же прииде преподобный отец наш Трифон в землю полнощную, / тогда на Твою помощь, Богородице, упование свое возложи. / Мы же, его любви к Тебе подражающе, / немолчными Тя пении ублажаем / и, поклоняющиеся, зовем: / о, Пресвятая, // прииди и сохрани достояние Твое от всякаго зла.

Яко в небесных чертозах, / добродетели дом предуготовал еси себе, Трифоне, / и веселие, и радость, и славу вечную восприял еси, премудре, / и ныне воистину ясно зриши Святую Троицу, // Ейже молися, даровати нам велию милость.

Слава, глас 8:

Мира красоту и славу мирскую от людей отнюд возненавидел еси, / преподобне отче Трифоне, / и на покаяние изшел еси в край Северная земли, / в сокрушении сердечном слезами землю омакая. / Монашеское житие паче возлюбив, / Ангелом собеседник быти сподобился еси, / чудесы, якоже второе солнце, во греховнем мраце глубоконощия возсия. / Поминай нас, отче всехвальный, / совершающих священную память твою и сице глаголющих: // моли Христа Бога спастися душам нашим.

И ны́не, Богоро́дичен:

Владычице, приими моли́твы раб Твои́х // и изба́ви нас от вся́кия ну́жды и печа́ли.

Тропа́рь, глас 4:

От мятéжа мирска́го в пусты́ню удали́лся еси́, / к немерца́ющему Свéту притека́я, / и слез твои́х течéньми, óтче Трифо́не, / пусты́ни се́верныя возде́лал еси́, / пощéньми и из глубины́ воздыха́ньми / чуде́с благода́ть от Бо́га прие́м, / мона́хов Пече́нжских роди́телю и лопля́н апо́столе, / моли́ Христа́ Бо́га // спасти́ся душа́м на́шим.

Ектения́ ма́лая и отпу́ст

НА ВЕЛИ́ЦЕЙ ВЕЧÉРНИ

Блаже́н муж: 1-й антифо́н.

На Го́споди, воззва́х: стихи́ры на 8, глас 5:

Преподобне óтче Трифо́не, / телéсныя стра́сти зéльным пока́нием, / постóм безща́дным, слéзными моли́твами успи́л еси́, / по́том же воздержа́ния, желе́зными вери́гами окова́нием / угаси́л еси́ у́глие страсте́й. / Сего́ ра́ди чудеса́ твоя́ сла́вит страна́ Ко́льская, // честну́ю Твою́ па́мять свéтло пра́зднующи.

От бра́тии своея́ стро́потныя не отступи́л еси́, óтче Трифо́не, / до́ндеже в благоу́мие и пока́ние всех не приведе́. / Внегда́ же наста́ час испытáния, / чи́сты их Христо́ви предста́ви, / си́це честну́ю кончи́ну от Го́спода прия́ша. / Те́мже победи́ша ве́рою страх, / кровь за Христа́ проли́ти сподо́бишася // и венце́м муче́ническим увязо́шася.

Зва́нию Го́спода твоего́ последовал еси́, / мир отверѓл еси́ и на стра́сти па́губныя по́стнически противоополчи́лся еси́: / му́жески все естество́ пону́див, / потща́лся еси́ ху́ждшее покорити́ лу́чшему / и плоть порабо́тити дүхови. / Проси́, óтче святы́й, я́ко предстоя́ престóлу Христа́, всех Царя́, / прегрешéний на́ших очище́ние // и Ца́рствия Небе́снаго насле́дники бы́ти.

Слава, глас 6:

Мужески бо естество понудив, / от страстей тяжких и вождений греховных любосмирённо избавился еси / и, плоть поработив духу, / правило добродетели показался еси, / многим монашествующим учитель и наставник явился еси. / Ныне же, Престолу Божию предстоя, / молися, преподобне отче наш Трифоне, // о в монашестве подвижающихся.

И ныне, Богородичен:

Кто Тебе не ублажит, Пресвятая Дево? / Кто ли не воспоёт Твоего Пречистаго Рождества? / Безлетно бо от Отца возсиявый Сын Единородный, / Тойже от Тебе, Чистая, пройде, / неизреченно воплощся, / естеством Бог Сый / и естеством быв Человек нас ради, / не во двою лицу разделяемый, / но во двою естеству / неслитно познаваемый. / Того моли, Чистая Всеблаженная, // помилватися душам нашим.

Вход. Прокимен дне. Чтения три.

Притчей чтение:

Память праведнаго с похвалами, и благословение Господне на главе его. / Блажен человек, иже обрете премудрость, и смертен, иже уведе разум. / Лучше бо сию куповати, нежели злата и сребра сокровища. / Честнейшая же есть камней многоценных, все же честное недостойно ея есть. / Долгота бо дний и лета живота в деснице ея, в шуйце же ея богатство и слава. / От уст ея исходит правда, закон же и милость на языке носит. / Послушайте убо мене, о, чада, честная бо реку, и блажен человек, иже пути моя сохранит: исходи бо мой – исходи живота, и уготовляется хотение от Господа. / Сего ради молю вас и предлагаю мой глас сыновом человеческим. / Яко аз, премудрость, устрой совет, и разум и смысл аз призвах. / Мой совет и утверждение, мой разум, моя же крепость. / Аз мене любящая люблю, ищущии же мене обрящут благодать. / Разумейте убо, незлобивии, коварство, ненаказания же, прилагайте сердца. / Послушайте мене и паки, честная бо реку, и отверзу от устен правая, яко истине поучится гортань моя, мерзки же предо мною устны лживыя. / С правдою вси глаголы уст моих, ничтоже в них стропотно, ниже развращенно. / Вся права суть разумевающим и проста обретающим разум. / Научаю бо вас истине, да будет о Господе надежда ваша, и исполнитесь Духа.

Притчей чтение:

Уста праведнаго каплют премудрость, язык же неправеднаго погибнет. / Устне мужей праведных каплют благодати, уста же нечестивых развращаются. / Мерила льстивая мерзость пред Господем, вес же праведный приятен Ему. / Идеже аще внидет досаждение, тамо и безчестие, уста же смиренных поучаются премудрости. / Совершение правых наставит их, и поползновение отрицающихся упасет их. / Не пользуют имения в день ярости, правда же избавит от смерти. / Умер праведный, остави раскаяние, наручна же бывает и посмеятельна нечестивых пагуба. / Правда непорочнаго исправляет пути, в нечестие же падает неправда. / Правда мужей правых избавит их: безсоветием же пленяются беззаконнии. / Скончавшуся мужу праведну, не погибнет надежда, похвала же нечестивых погибнет. / Праведник от лова убежит, вместо же его предается нечестивый. / Во устех нечестивых сеть гражданом, чувство же праведных благопоспешное. / Во благих праведных исправится град, и в погибели нечестивых радование. / Во благословении правых возвысится град, усты же нечестивых раскопается. / Ругается гражданом лишенный разума, муж же мудрый безмолвие водит.

Премудрости Соломоновы чтение:

Праведных души в руке Божией, и не прикоснется их мука. / Непщевани быша во очесех безумных умерети, и вменися озлобление исход их, и еже от нас шествие – сокрушение, они же суть в мире. / Ибо пред лицем человеческим, аще и муку примут, упование их безсмертия исполнено. / И в мале наказани бывше, великими благодетельствовани будут, яко Бог искуси я и обрете их достойны Себе. / Яко злато в горниле, искуси их и, яко всеплодие жертвенное, прият я. / И во время посещения их возсияют и, яко искры по стоблюю, потекут. / Судят языком и обладают людьми, и воцарится Господь в них во веки. / Надеющиеся Нань разумеют истину и вернии в любви пребудут Ему. / Яко благодать и милость в преподобных Его и посещение во избранных Его.

На литий стихира храма и стихиры святаго, глас 6:

Ангелы своя странам и языком предстатели верныя даровавый Бог, / егда прииде времен исполнение, / моления ради Ангела страны, яже близ океана хладна, / и народа лопска пред-

ста́теля, / призва́ тя во благове́стие, всехва́льне Три́фоне, / я́ко да спасе́ни бу́дут лю́дие тии, / да возо́пию́т во умиле́нии серде́ц: // благослове́н Бог оте́ц на́ших.

Бу́ри океа́на хла́дна не убо́явся, / любо́вию Христо́вою согрева́емь, / во страну́ се́верную пресели́лся еси́, досточу́дне Три́фоне, / предложил еси́ та́мо наро́ду ло́пску огонь любви́ Бо́жия, / хлад и мрак ду́ши разгоняю́щ, / во е́же чи́стым се́рдцем и усты́ воспева́ти: // благослове́н Бог оте́ц на́ших.

Ви́дение бе дивное, / егда́ от мра́чна неведе́ния язы́цы ва́рварстии, / тобо́ю приведе́ннии, Христо́ви сочета́шася: / земля́ бо и не́бо ликова́ша, / во струя́х Пече́нги и Па́зреки, а́ки Иорда́на и Днепра́, // зря́ще мно́жество креща́емых и Христа́ сла́влящих.

Сла́ва, глас 5:

Боготече́ней звездé уподо́бился, / всю страну́ се́верную обте́кл еси́, досточу́дне Три́фоне, / я́ко бо денница́, со́лнцу прехо́дящая. / От язы́ка ло́пска привел еси́ ко Христу́ ча́д мно́жество, / и́же в ра́дости се́рдечней прия́ша креще́ние / и со умиле́нием возо́пиша: // благослове́н Бог оте́ц на́ших.

И ны́не, Богоро́дичен, глас 6:

Храм и дверь еси́, / пала́та и престо́л Царе́в, / Де́во Всечестна́я, / Е́юже Иза́витель мой, Христо́с Госпо́дь, / во тьме́ спя́щим яви́ся, / Со́лнце Сый пра́вды, просвети́ти хотя́, / я́же созда́ по о́бразу Своему́ руко́ю Своею́. / Те́мже, Всепе́тая, / я́ко ма́терне дерзнове́ние к Нему́ стяжа́вшая, // непреста́нно моли́ спастися ду́шам на́шим.

На стихо́вне стихи́ры, глас 1.

Подобен: Небе́сных чино́в:

Крест Христо́в вземше, на покая́ние изше́л еси́ от ю́ности твоея́, / я́ко разбо́йник, испове́дася и слезя́: / помяни́ мя, Го́споди, во Ца́рствии Твое́м. / Бо́гу послужил еси́, послуша́ние мона́шеское соблю́л еси́, / чистоту́, смире́ние, нестяжа́ние и терпе́ние тяжкими́ труды́ свои́ми обре́л еси́. / Те́мже и мы, почита́я тя, мо́лим: / преподо́бне о́тче Три́фоне, // помози́ и нам в сих добродете́лех преуспе́ти.

Стих: Честна́ пред Го́сподем // смерть преподо́бных Его́.

В пустыню дивую вселился еси, / постом, поклоны, стоянием на молитве, / бдением неустанным плоть умертвил еси, / в подвигах дневных и ночных течение совершил еси / и народ лопарский в вере наставил еси. / Свету Великому, яко венечник святой, ныне предстоиши, / поминай изрядное твое достоиние, / еже многими труды, отче, стяжал еси, // да вси тя ублажаем.

Стих: Блажен муж, бойся Господа, // в заповедех Его восхощет зело.

Пути, вводящаго в жизнь, наставник и учитель был еси / и в последних концах северных страны языки просветил еси, / породив водою и Духом Святым, / Егуже благодатию недужных целил еси, / от грехов тяжких очищая, / и чувства покаянная пробуждал еси, / и многих на путь спасения и веры наставил еси, // отче наш Трифоне.

Слава, глас 8:

Премудрости сокровище быв, преподобне Трифоне, / сердца неверных людей учением твоим просветил еси, / благочестия семена насадив. / Темже ты вси, яко учителя монахом и бельцем, / достоительно ублажаем и молимся: / молися Христу, Емуже усердно поработал еси, / избавити нас навет вражиих // и спастися душам нашим.

И ныне, Богородичен, глас тойже:

Безневестная Дево, / яже Бога неизреченно зачещи плотию, / Мати Бога Вышняго, / Твоих рабов мольбы прими, Всенепорочная, / всем подаючи очищение прегрешений, / ныне наша моления приемлющи, // моли спастися всем нам.

**На благословении хлебов: тропарь святого, дважды,
и Богородице Дево: единожды.**

Тропарь, глас 4:

От мятѣжа мирскаго в пустыню удалился еси, / к немерцающему Свету притекая, / и слез твоих теченьми, отче Трифоне, / пустыни северная возделал еси, / пощеньми и из глубины воздыханьми / чудес благодать от Бога прием, / монахов Печенжских родителю и лоплян апостоле, / моли Христа Бога // спастися душам нашим.

Ин тропарь, глас 8:

Пути, вводящаго в жизнь, наставник и учитель был еси: /
первое бо, преподобне отче наш Трифоне, / пришел еси в
часть Норвежския земли / и в последних концах северных стра-
ных языки просветил еси, / породив водою и Духом Святым, / и
священная твоя чада в бесплодной пустыни, / яко древа маслич-
ная, насадил еси, / велию обитель Святыя и Живоначальныя,
Единосущныя и Нераздельныя Троицы создал еси, монахов мно-
жество собрав. / Тем, яко апостолом и пустынножителем равно-
честна чтуще тя, / прилежно припадающе, вопием: / моли всех
Бога за Русскую землю, за область твою и за вся люди, // почи-
тающия память твою.

НА УТРЕНИ

На Бог Господь: тропарь святому *(дважды)*.
Слава, и ныне: Богородичен, глас 4: Еже от века:

По 1-й стихологии седален, глас 3:

Землю оставил еси и небесных обителей жителем сподобился
еси быти, / чистотою жития своего, любовью к Богу и ближне-
му просиял еси. / У Престола Божия среди ликом апостолов, пре-
подобных и мучеников молишися за ны, недостойныя. / Не остави
нас, преподобне отче Трифоне, / моли Господа даровати нам, греш-
ным, велию милость // ко спасению душ наших. *(Дважды)*

Слава, и ныне, Богородичен:

Яко Всенепорочная Невеста Творца, / яко Неискусомужная
Мати Избавителя, / яко приятелище сущи Утешителя, Все-
петая, / беззакония мя суща скверное жилище / и бесов игралище
в разуме бывша, потщися сих злодействия мя избавити, / светлое
жилище добродетелей соделавши, Светодательная, Нетленная. /
Отжени облак страстей и вышняго причастия сподоби // и света
невечерняго молитвами Твоими.

По 2-й стихологии седален, глас 5:

Вдальняя места и безвестная пришел еси, отче наш Трифоне, /
и неведущим Бог тобою познася. / Идеже прелесть почитаема
баше, / тамо же ныне людям во тьме неверия лежащим вера
Христова тобою даровася, / и обитель велия процвете. / Всех на-
учил еси в Трех Лицах Единого Божество веровати, // темже свя-
щенную Твою память достождно ублажаем. *(Дважды)*

Слава, и ныне, Богородичен:

Яко невозделанна, Дево, лоза, / прекрасный Грозд, Христа,
возрастила еси, / источающе нам вино спасительное, / всех
веселящее души и телеса. / Темже, яко виновну, Ты, добрых, убла-
жающе, / присно со Ангелом вопием Ти: // радуйся, Обрадован-
ная, Господь с Тобою.

По полиелее величание:

Ублажаем тя, / преподобне отче наш Трифоне, / и чтим равно-
апостольныя труды твоя, / наставниче монахов // и собесед-
ниче Ангелов.

Псалом избранный:

Терпя, потерпех Господа, и внят ми, и услыша молитву мою. /
Постави на камени ноге мой и исправи стопы моя. / Се уда-
лихся, бегая, и водворихся в пустыни. / Уподобихся несыти пу-
стынной. / Бдех и бых, яко птица, особящаяся на зде. / Колена моя
изнемогоста от поста, / и плоть моя изменися еля ради. / Пред-
зрех Господа предо мною выну, яко одесную менесть, да не под-
вижуся. / Все языцы обыдоша мя, и именем Господним против-
ляхся им. / Благословен Господь, Иже не даде нас в ловитву зубом
их. / Хранит Господь души преподобных Своих. / Восхвалятся
преподобнии во славе и возрадуются на ложах своих. / Честна
пред Господем смерть преподобных Его. / Пойте Господеву, пре-
подобнии Его, и исповедайте память святыни Его, во всех людех
чудеса Его.

Слава, и ныне: Аллилуия: *(Трижды)*

По полиелѣи седален, глас 8:

Добродѣтелей ты жестокий шествовал еси путь, преподобне Трифоне, / Богом данный, Ангеле Печенжский. / Душевныя страсти благопотребно, вкупе же и телесныя, / духовным посекл еси мечем, / к лику преподобных сочетался еси, / темже, поклоняющися, молим тя, преподобне отче, / даруй и нам силу душевную // усердными подобниками быти добродетелей твоих высоких. *(Дважды)*

Слава, и ныне, Богородичен:

О Тебе радуется, Благодатная, всякая тварь, / Ангельский собор и человеческий род, / освященный храм и раю словесный, / девственная похвало, из Неяже Бог воплотися и Младенец бысть, / прежде век Сый Бог наш, ложесна бо Твоя престол сотвори / и чрево Твое пространнее небес содела. // О Тебе радуется, Благодатная, всякая тварь, слава Тебе.

Степенна, 1-й антифон, 4 гласа. Прокимен, глас 4: Честна пред Господем / смерть преподобных Его. **Стих:** Что воздам Господеви о всех, / яже воздаде ми? **Всякое дыхание: Евангелие от Матфея, зачало 43.**

По 50-м псалме стихира, глас 6:

Трифона доброхвальнаго почтим: / насажден бо в дому Господни / и процвете праведно, яко кедр в пустыни, / умножив великое стадо Христово словесных овец, / в преподобстве всехвальном и правде, // в мученичестве славном и страдальчестве.

ІАНОН

Богородице со ирмосом на 6, и святаго на 8, глас 4:

Песнь 1

Ирмос: *Наставльшему древле Израиля, / бежащаго от работы фараоновы, / и в пустыни питавшему, / поим Избавителю, Богу нашему, // яко прославися.*

Запѣв: *Преподобне отче наш Трифоне, // моли Бога о нас.*

Аз Бог первый, Аз же по сих, / разве Мене несть Бога ктому, якоже Аз пророком Своим рече; / Ты и нам отверзи плотная уста воспети раба Твоего Трифона / и сего поющим слово вдохни.

Приими песнь рабов твоих, отче преподобне, / и умоли Господа воздати грехом оставление, / на Суде милость и Небеснаго Царствия наслаждение, / идеже ты пребываеши, отче всехвальный.

Руце простертием чистых ти молитв / бесплотныя враги струями слез твоих до конца потопил еси, Трифоне, / и купель мысленную в них соделал еси, / ныне же омываеши прегрешения восхваляющих тя, преподобне.

Единаго естества Троицы безмерную силу со дерзновением богословил еси / и суетных идольское служение, всемудре, обличил еси, / божественными наказаниями укрепил, / Ангелом сожительниче, Трифоне, / память твою празднующих соблюди, / да спасени поем: / благословите, вся дела Господня, Господа.

Ни гроб, забвения ходатай, / возможно твоя добродетели утати, отче Трифоне, / трубы бо яснейше проповеда твоя болезни постнические, / имиже Богу приближися, вопия: / благословите, вся дела Господня, Господа.

Богородичен: *Из ложесн твоих возия преславно / Великое Солнце – Христос Бог, Богородице Дево, / вся земныя концы просветив, / и преподобных поты приял есть честно.*

Песнь 3

Ирмос: *Да не хвалится мудр хваляйся, / но о сем, еже разумевати, / яко несть свят, яко Бог наш, / возносяй рог наш, // дай крепость царем нашим.*

Отечество твоё, преподобне, близ града Торжка быше / от освященных благочестно живущих родителей, / взирая на праведное житие их, / от младости своея изрядно ты кроток и милостив был еси. / Обаче грезением греховным и лестною тьмою миродержания / помрачися твоё юностное сердце, / и тьмонеиствоваство возобладаше.

Не восхотё Господь искоренити тщетнаго и суетнаго, наказуя наказатя Господь, смерти же не предаде тя. / Ангелов подобника и бесов противоборца провидя тя всея твари Зиждитель, / на покаяние огласи тя, яко втораго Павла, / и человеколюбно к Себе призва, / православным смыслом юношская возжеления возненавидев, отче наш Трифоне, / клеветы и вои своя оставил еси.

Прешед море, / прииде в дальнюю и незнаемую страну, на приморие великаго моря-окияна, / и вселился еси, идеже благочестие не слышашеся. / Бездомок и безкровен по лесом и горам / и в пропастьех земных скитался еси, странствуя, / непрестанно во слезах, молитвах и сокрушении сердца / пометая себе о землю пред Богом.

В место от места преходя, / бегая мирския славы от человек, / небесныя славы рачитель был еси, отче преподобне Трифоне, / в пустыни безчисленно прият от бесов всякая пустынная страхования / в препятие спасению твоему, / обаче лестных мечтаний и тяжких страстей мрак разгнав, / к свету добродетелей дошед.

Тамо уткнутися со преподобным Феодоритом Господь ты сподобил еси, / и пребываше вкупе со старцем оным в прегорчайшей пустыни, Богом хранимь бысть, / умучая и покоряя плоть свою в порабощение и послушание духу, / питаяся от жестоких зелий и корений, / яже тамо прозябает пустыня лопарская. / Пребыв со оным предреченным старцем / двадесят лет во святем и непорочнем жительстве, / по ступенем добродетелей возшел еси, всехвальне.

Богородичен: Пречистая Владычице, / рождающая земным Окормителя и Господа, / страстей моих непостоянное и лютое разжени смущение / и тишину подаждь сердцу моему.

Седален, глас 4:

Страстное поработил еси плотское мудрование / и горшее покорил еси лучшему, отче преславне, / сокрушил еси выи бесом и постом возсиял еси в мире, / яко солнечная сияния суть твоя добродетели, // сего ради ты почитаем.

Слава, и ныне: Богородичен:

Стена непобедимая нам христианом еси, Богородице Дево: / к Тебе бо прибегающе невредами пребываем, / и паки согрешающе, имамы Тя молитвенницу. / Тем благодаряще вопием Ти: / радуйся, Благодатная, Господь с Тобою.

Песнь 4

Ирмос: *Услышах славное смотрение Твое, Христе Боже, / яко родился еси от Девы, / да от лести избавиши зовущия: // слава силе Твоей, Господи.*

Носиши, отче, кротостию наветы и лаiania лукавых бесов, / и человек злых нахождения, / бесовскою прелестию подвижаемых ты убить. / Ты же, сия терпя, / отходиши во внутреннюю пустыню / на богомудрие и безмолвие.

Народ же лопский, омраченный неведением, / со нойды, сиречь отлученными слугами диавольскими, / прятаяся с тобою, Трифоне праведный, / и яряся, яко зверие, и неисповедимыя деяша ти пакости. / Но Господь Бог, обещаываясь с тобою быти, / Своим Божиим мановением наставляше ты сокрыватися / в горах и в расселинах каменных, / и иногда, отче святыи, проходилаше сквозь поганых, / злобою ослепленных, и невидим бысть.

В том благовестии, отче наш Трифоне, / святыи муж добраго желания, потрудився лета многая / и разгнав страстей мрак глубокий, ко свету добродетелей дошед / и светел быв, мрачныя духи лукавствия отгнал еси от народа лопскаго / и окрест рек Печенги и Пазреки / проповедию огласил еси их и Крещением просветил еси.

Единой любве Христове душу свою, преподобне Трифоне, / приложив, всею душею потщался еси / искоренити елинская бесовская мудрования / и от зверскаго устремления свободити люди, некогда тяжкия и суровыя, / своими молитвами укротил еси лопь языческую / и, на пажить живоносную наставив, ко Христове вере, / яко овчата малыя, привел еси.

Во граде Коле купил еси, отче святыи, жерновы ручныя немалы и тяжкия / и на рамах своих во обитель нести изволил еси. / Ученицы же молиша ты, да не трудишия излише. / Ты же рече им: / уне на выи своей обесивый осельский камень носить, / нежели братию празднством соблажнять. / И путем бластным и гористым со бременем тяжким до Печенжския обители идяше, / в постеле велицем пребывая, ни мало ядый, / воспевая Богу, подающему ти силы таковыя: / благословите, вся дела Господня, Господа.

Богородичен: Ты еди́на су́щим на земли́ па́че естества́ благих
Ходатаица, / Ма́ти Бо́жия, яви́ся, / те́мже Ти, ра́дуйся, вопи́ем.

Песнь 5

Ирмо́с: *Часть моя еси́, Го́споди, / и слава лица́ моего́: / Ты бо мя из
тмы неведения́ / еди́н изба́вил еси́ богоразу́мием. / И Тебе́ молю́-
ся, Христе́: // да́руй рабу́ Твоему́ мир, я́ко Человеколю́бец.*

Святоблаже́ннаго учи́теля твоего́ Феодорита́ / преподо́бию
и целому́дрию поревнова́в, о́тче Три́фоне, / чистоту́ притя-
жа́в, и́миже на Боже́ственую любóвь восше́д, / при́ят от Го́спода
да́ры / исцеля́ти недуги́ душ и телес на́ших.

Сла́ное, о́тче, неве́рия мо́ре / истека́ющими от тебе́ си́лами и
зна́мении возму́щается, / и злочести́е ло́пи благоче́стием изме-
няется, / и тьма неведения́ богоразу́мием просвещается.

И нача́т стро́ити на Пе́чензе реце́ це́рковь / во имя́ Святы́я и
Живонача́льныя Тро́ицы, / сам же вся но́щи в непреста́нных мо-
ли́твах пребы́вая, / во днех же за три по́прища на ра́мех своих́ /
на це́рковное стро́ение брёвна и тес, / и и́но потре́бное ноша́ше.

Со благослове́нием приснопева́емаго Мака́рия, Но́ваго гра́да
святите́ля, / це́рковь ту священно́нок Или́я со иероди́аконом
Феодоритом освяти́ша, / и от того́ иерои́нока блаже́нный о́тец
наш Три́фон остреже́ся / и ду́хом и се́рдцем пра́вый инок и зна-
меносе́ц соде́лася.

Невозврати́то шество́вал еси́ веду́щими к небеси́ стезя́ми бо-
же́ственными, / о́тче преподо́бне Три́фоне досточу́дне, / от злых
веду́щих до конца́ уклони́лся еси́ / и, непреста́нная моли́твы,
я́ко копи́е, вручи́в кре́пко, / пробóл еси́ бесо́вская ополче́ния. /
Те́мже твою́ па́мять при́сно пе́снями восхваля́ем ве́рно.

Богородичен: Очисти́лище естества́ Ты еси́, Еди́на Богоблаже́н-
ная, / на ра́мех бо херувимских се́дящаго Бо́га дланьма носи́ла
еси́, вопию́щи: / благослове́н Бо́г о́тец на́ших.

Песнь 6

Ирмо́с: *Да не погрузи́т мене́ бу́ря водна́я, / ниже́ да пожре́т
мене́ глубина́, / отве́ржен бо есмь во глубины́ се́рдца морска́го
зол моих. / Тем зову́, я́ко Ио́на: // да взы́дет от тли́ зол живо́т
мой к Тебе́, Бо́же.*

И ненаселе́нная тобо́ю населя́ется земля́ се́верная, о́тче, / я́ко
И́бо заря́, просия́ша твоя́ добродете́ли, / и́миже осия́вшеся, в
пусты́ню, / я́ко во град, мно́жество мни́шеское стече́ся, / и на-

чальник сего священнаго собора явился еси, отче Трифоне, / на-
казуя и уча, / и вся приводя к воли Божией.

Любовь истинную ко Христу возымел еси, / и сподоби тя Го-
сподь во имя Святыя Троицы / не токмо преславный храм, но и
обитель чудную устроить, / и во оную духовная лопарская чада
многая / к монашескому житию привел еси / из народа некогда
варварскаго.

Естеством добродетелей, отче, наветы нося, / терпя же и от
своих, на тя встающих, / отеческим нравом последуя, тех житие
в себе имел еси. / Священная твоя чада в бесплодной пустыни, /
яко древа масличная, процвели суть. / Тем, яко апостолом и пу-
стынножителем / равночестна чтуще, ты почитаем.

Иже злыми присно обуреваемии / и страстьми содержимии, к
тебе прибегаем, / Богови молитвенника ты предлагающе, Трифо-
не преподобне. / Темже милостивно посещай нас, отче, / да тобою
спасени, память твою почитаем / присночестную и священную.

Ярость бесов раздражи, / егда нойды лопския, угольники их, /
Богу угольники ты молитвами соделал еси, / осиял еси, богомудре,
земныя концы, / ко Свету, от Света возсиявшему, умерый, прешел
еси. / Со Ангелы ныне на небесех водворяясь, / поминай верою
чтущих память твою, / преподобне Трифоне приснопамятне.

Богородичен: Руно Богоносное Тя прообрази, Дево, / запечат-
ленный Источник присноживыя воды, / одр, егоже обстоят силь-
нии, / Сего неискусомужно вместила еси, Чистая.

Кондак, глас 8:

Все твоё умное желание к Богу вперив, / Того званию невоз-
вратно от души последовал еси, / в пустыню конечную все-
лился и тамо ангельски и равноапостольне пожив, / многим путь
был еси ко спасению, / великих царей Иоанна и Феодора Рос-
сийских чудесы удивил еси. / Сего ради и Христос ты прослави
и даром чудес обогати. / Темже вси вопиём ти: радуйся, исповед-
ниче Христа Бога нашего, // радуйся, обители твоей непоколеби-
мое утверждение, Трифоне, отче наш.

Икос:

Возлюбив, преподобне, Христовы Божественныя заповеди / и
возненавидев мира сего прежняя наслаждения, / прииде усерд-
но ко Господу, / и бысть светильник, просвещая концы блистанием
духовным. / Тем, припадая, молю тя: / просвети моя очи душевныя /

воспéти твоя́ по́двиги, пощéние, и бдéние, / и слéзы, болéзни и из-
мождéние тéла, / блажéнные рáди б́дущия ж́изни, ея́же ны́не на-
слажда́ешься, // моли́ непрестáнно о всех нас, Три́фоне, о́тче наш.

Песнь 7

Ирмос: *Не преда́ждь нас до конца́ и́мене Твоего́ рáди / и не разо-
ри́ Завета́ Твоего́, / и не отста́ви мило́сти Твоея́ от нас, // Го́спо-
ди Бо́же о́тец на́ших, Препéтый во ве́ки.*

Добродéтелей труды́ и по́ты, Три́фоне, / поко́й со все́ми свя-
ты́ми прия́л еси́, / ихже возвесели́л еси́ своим жити́ем, / ве-
лию обитель Святы́я Тро́ицы на Печензе устро́ил еси́ / и мона́хов
мно́жество собра́л еси́, поя́ Христо́ви: / благословéн еси́, Го́спо-
ди, Бо́же о́тец на́ших.

Лука́вии мни́си тебе́ спóну / бесо́вским сове́том учини́ти хо-
тéша, / е́же тебе́ с Печенги изгна́ти или́ смéрти преда́ти, / ты же
сих, яко́же Моисéй, / ма́нною пита́ти не престаéши, / до́ндеже я
в благоразúмие приведе́, со благодарéнием поя́ Бо́гови: / благо-
словéн еси́, Го́споди, Бо́же о́тец на́ших.

Содруже́бник твой извéстный, / на бесо́в ратобóрец Варлаа́-
мий с Ке́рети, / устреми́ся к тебе́ на Печенгу увидети́ труды́ твоя́
и по́двизи / и предвозвестите́льно о составлéнии обители́ про-
рече́: / о, Три́фоне, ты сподóбился еси́ обитель вели́кую воздви-
гнути и бра́тию собра́ти, / б́дут бо лю́дие и сéла zde зле неукро-
ти́мы, / яко́ дивии зве́ри, твоей прéжней я́рости и остроже́лчию
подобя́щиися. / Ты же, не преста́я, Бо́гови воспева́л еси́: / благо-
словéн еси́, Го́споди, Бо́же о́тец на́ших.

Естество́м добродéтелей любве́ сопряже́ся ти содруже́бник
твой Варлаа́мий / в духо́вных твоих, Три́фоне, исправлéниях, /
в пу́сте мо́ря с тобо́ю озéмствуюся / и на ладии́це шéствуя, / при-
ча́стныя души́ нéмощи очища́ющи.

Отоше́л еси́, о́тче святы́й, во страны́ Вели́каго Но́ва гра́да / и
та́мо пребы́л еси́ нищ и проси́тель, / от гра́да во град, от ве́си в
весь странству́я / и испроша́я мило́стыни, я́же на пропитáние
бра́тий посыла́л еси́, / яко́ ко́кош, собира́я семена́ для птенце́в
своих / и пита́я вся це́лыя осмь лет, / благодарно́ воспева́я Бо́го-
ви: / благословéн еси́, Го́споди, Бо́же о́тец на́ших.

А́ще и пита́еми суть ропта́ти не престаю́т, / но ты сих зве́р-
ство на крóтость в благоразúмие приведе́ / моли́твами непре-
ста́нными, и пéнием, и бдéнием, / до́ндеже их Христо́ви чисты́

представи. / И, егда прииде час мучения, / венцы добропобед-
ных у Господа испросил еси / и от обители земныя во обитель
небесную / чад своих водворил еси, поя Богови: / благословен
еси, Господи, Боже отец наших.

Богородичен: Лютыми страстей наветы обуреваемъ есмь / и
прилоги греховными погружаемъ; / к Твоему единому тихому и
невлаемому пристанищу прибегаю, Всепетая: / ущедривши, спа-
си мя, Приснодево Благословенная, / Яже Бога плотию Рождшая.

Песнь 8

Ирмос: *В Вавилоне отроцы, / Божественною расплаеми рев-
ностию, / мучителя и пламене прещение мужески попраша, / и,
посреде огня ввержени, орошаеми, пояху: // благословите, вся
дела Господня, Господа.*

Глаголом сила Божественная последующая познавашеся / от
царя Иоанна чувственне, / он же по прежде реченным хотение
твое, / еже к Божественным волю исполняя, / возлюбил есть надаль-
ну обитель страны Печенжския, / наипаче же тебе, преподобне, / и,
воздаровав грамотою несудимою, / и богато колоколами и цер-
ковною утварию, / отпустил есть великий Царь с милостивым при-
зрением. / Ты же, дивяся таковому попечению Божию об обители
твоей, воспевал еси: / благословите, вся дела Господня, Господа.

Благочестивому царю Феодору явлься, отче преподобне, / от
смертельного злаго умышления свитцких немец / спасл еси сего
руки прикосновением, / оному же ты спасителя сея напасти по-
лучив, / имя твое уведети хотя, / ты же и сие возвестил еси. / Сего
ради чудодющему Богу во святых Своих воспеваем: / благосло-
вите, вся дела Господня, Господа.

Единожды пришед в келью твою, отче святой, / медведь
дивий и зело велик / и начат уготованное тесто просфорное
ясти. / Ты же именем Иисуса Христа повелел еси зверю: стань
семо кроток. / И ста зверь пред ногами твоима недвижим. / Взяв
велие древо, бияше зверя, / и, наказав, завеща близ обители
впредь не пакостити, / и отосла того в пустыню. / Мы же, дивя-
щися силе Божией, действующей в тебе, вопием: / благословите,
вся дела Господня, Господа.

По проповеди Христовой / и по многих своих пустынных
трудех, отче преподобне, / в старости мастите впадe в болезнь
и изнеможе зело. / Прешедшей же братии со игуменом Гურიем

рече: / не скорбите, брѣтия моя, и в добрый путь течѣния моего не пресецайте, / и не любите мира, ни яже в мире, / все упование возложите на Бога; / сами бо вѣсте, колико окаянен мир сей, / яко море неверен, мятѣжен, ветрами нечестивых духов волнуется, / наветы диавольскими пенится, о погружении миролюбцев тщится, / всюду пагубы своя простирает / и наконец вся смертию осужает. / Мы же, внимая премудрым словесем твоим, вопием: / благословите, вся дела Господня, Господа.

По сих приял еси конечно, отче наш Трифоне, / Пречистое Тело и Святую Кровь Христовы, / zelo изнеможе и прослезился, рече: / на обитель сию святую будет тяжкое искушение, / и от острия меча умучатся мнози; / но не ослабевайте, брѣтия моя, уповайте на Бога: / не оставит бо жезла грешных на жребии Своем / и паки обновит обитель. / И просветится лице твое, / и предаде святую душу свою, / Святей Троице теплый служителю / и Пречистой Богоматери благодарен. / Мы же, взирая на блаженную кончину твою, сие вопием: / благословите, вся дела Господня, Господа.

Богородичен: Вышняго освященное Божественное селение, радуйся: / Тобою бо дадеся радость, Богородице, зовущим: / благословенна Ты в женах еси, Всенепорочная Владычице.

Песнь 9

Ирмос: Моисей на горе неопалимую купину виде, / Иосиф в вертепе неизреченное Рождество слыша, / Нескверная Дево, Безмужная Мати, // песньми Тя, Богородице, величаем.

Исцеления безчисленная источаеши нам, преблаженне Трифоне, / и отгоняеши болезни душевныя, / и телесныя страсти врачуеши / похваляющих труды твоя, всечестне, и вопиющих верно, / и тя венчавшаго Христа прославляющих.

Страсти победив телесныя воздержания уздою, чудодественне Трифоне, / в безстрастия облечеся светлую ризу, / всю злобу обнажил еси древле нас обнажившаго / и ныне жительствуеши, в рай всегда веселяся, / моли спастися душам нашим.

Возсия днесь пресветлая и всепразднственная память твоя, преславне Трифоне, / созывающи многочисленное постников словие и преподобных ликостояния, / и монахов велие братство, / коих страсти душеленныя успил еси, блаженне, / бодренными бденими, молитвами непрестанными и пощением, / и сих ради в чертог Небесный чада своя вселил еси, / богомудре Трифоне.

Иже пáмьять твою́ священную творя́щим, о́тче, / не преста́й со
все́ми святы́ми земли́ Ко́льския / моли́ти Изба́вителя дарова́ти
согреше́нием оставле́ние / и Небе́сное Ца́рство восприя́ти, / иде́-
же глас пра́зднующих весели́т вся.

О, тро́ице присноблаже́нная, / равноче́стнии отцы́: Феодо-
ри́те, Три́фоне и Варлаа́ме, / я́ко еди́но блаже́нство иму́щии от
Бо́га, версто́ предоб́рая, / нас призыва́ющих и восхваля́ющих
вас от всех лю́тых спаса́йте / те́плым предста́тельством ва́шим
ко Го́споду.

Богоро́дичен: Изравни́тися Соде́телю жела́ние ми вложи́ змий
вселука́вый, / я́ко плéнника, мя восхити́. / Тобо́ю же, Пречи́стая,
призва́н бых, обожив́ся и́стинно, / Ты бо, о Богома́ти, Иже мене́
Обожив́шаго родила́ еси́.

Свети́лен:

Труды́ тяжкими́ и по́двиги мно́гими / с кро́тостию и смире́-
нием наве́ты вра́жия и клеветы́ терпя́, / оте́ческим нра́вом
последовал еси́, тех жити́е в себе́ име́я. / И священная́ твоя́ ча́да
в беспло́дней пусты́ни, / я́ко дре́ва ма́сличная, процвели́ суть, /
вэ́лию обите́ль Святы́я Тро́ицы созда́л еси́, / мона́хов мно́жество
собра́в, / труд ко́рмчий творити́ до сме́рти не преста́л еси́. / Та́ко
твоя́ труды́, о́тче наш Три́фоне, // све́тло возсия́ли суть в се́вер-
ных конце́х Ру́ския земли́. *(Два́жды)*

Сла́ва, и ны́не, Богоро́дичен:

Тя пёсньми немол́чными ублажа́ем, Де́во, / я́ко от Тро́ицы Еди́-
наго родила́ еси́, Богоро́дице, / и но́сиши на Божество́нных
объя́тиих Пребога́тое Сло́во, // Невра́щенное и Неизме́нное.

На хвали́тех стихи́ры на 4, глас 4:

Ева́нгельскою стезе́ю к пока́нию пришёл еси́ / и мир оста́вил
еси́, о́тче наш Три́фоне, / в да́льняя незна́емая места́ при-
ше́д, / креще́нием ко Христо́ву позна́нию язы́ки дивии́ привёл
еси́. / Ору́жием ино́ческим, постом, смире́нием и послуша́нием,
ца́рству тьмы́ противи́лся еси́, / пра́вило ве́ры и о́браз кро́тости
духо́вныя яви́лся еси́, / вётхаго челове́ка совлéклся еси́ / и, стя-

жѧв благодѧть Духѧ Святѧго, / в нѧваго челѧвѧка облѧклся еси, //
в праведности и истинѧ Бѧжией ясно утверждаѧся. *(Дважды)*

Зрите, христиѧне времѧн нынѧшних, / во истину сиѧ удивлѧнию
достѧйно: / кия храбрии обрѧталися суть старцы / в правослѧвней
христиѧнстей странѧ, / во правѧверных догмѧтах воспитѧннии, /
Кѧльския земли просветители. / Сих святых ѧтец трѧицу: Три-
фона, Феодорита и Варлаѧма, / приводим Тебѧ в молитву, Христѧ
Бѧже, / ихже молѧние приѧмь и ѧт вражия коварства сохраняя, //
Духом Твоим Святым настаѧи нас во вѧки Тя величѧти.

О, преподѧбне и достѧчѧдне ѧтче наш Трифоне! / Живоначѧль-
ней предстоѧ Трѧице, / в неприступном свѧте и радѧсти неизгла-
голанней, / приими сиѧ ѧт умиленнаго ти сѧрдца возносимѧ хва-
лѧние / и не престѧй моляся ѧ нас, / да, поживше благѧчѧстне, / по
успѧнии нашѧм срѧтени ѧ тебѧ обрящемся на Небесѧх / и воспѧем с
тобѧю Бѧгови песнь великую, // в вышних трѧгѧубо песнословимую.

Слѧва, глас 7:

Е да не мѧщно естѧ ѧт Бѧга всякое слово? / Умиленною душею по-
клонимся Христѧ, плачуще и стѧняще к Немѧ, / и даст Господь
Всемѧгущий исполнѧние всякаго прошѧния, / егѧже просим ѧт
Негѧ, / и обрящет просящий благодѧть Бѧжию пред ѧчѧма Егѧ. / Тем-
же и мы умиленною душею вопиѧем ко Господу, / благодаряще и сла-
вословяще Всещѧдраго Бѧга, / дарѧвавшего нам сѧвернаго апѧстола
славнаго, / блаженнаго Трифона, // земли Кѧльския просветителя.

И ныне, Богородичен, глас тойже:

Моли, Дѧво, с преподѧбным ѧтцѧм нашим Трифоном / обре-
сти нам на Судѧ престѧвльшимся // велию милѧсть.

Славословие великое и отпу́ст

НА ЛИТУРГИИ

Блаженны от канона преподобнаго: пѣсни 3-я и 6-я на 8.
Прокимен, глас 7: Честна пред Господем / смерть преподобных
Его. Стих: Что воздам Господеву о всех, яже воздаде ми? Апостол
к Галатом, зачало 213. Аллилуия, глас 6: Блажен муж, бойся
Господа, / в заповедех Его восхощет зело. Стих: Сильно на земли
будет семя его, / род правых благословится. Евангелие от Луки,
зачало 24. Причasten: В память вечную:

ЯКЯФИСТ

преподобному Трифону Печенгскому, чудотворцу

Кондак 1

Избравшу ты Пастыреначальнику Христу во апостола страны
северныя, / абие отринул еси, досточудне Трифоне, / мира
сего красная, / претерпел же всяко озлобление, / благовестил еси
седящим во тьме и сени смертней Бога, явльшагося плотию: /
темже со апостолы срадуется дух твой в небесных обителях. /
Имея убо дерзновение ко Христу Богу нашему, / от всяких бед
избави нас зовущих: /

Радуйся, Трифоне, // страны северныя просветителю, Печенжский чудотворче.

Икос 1

Ангелы Своя странам и языком предстатели даровавый Бог, /
егда прииде времен исполнение, / моления ради Ангела зем-
ли Кольския, яже близ океана хладна, / и народа лопска предста-
теля, / призва ты во благовестие, всехвальный Трифоне, / яко да
спасени будут людие тии. / Поминающе убо сия, вопием ти:

Радуйся, священнаго корене благое прозябение;

Радуйся, обители Печенжския святое прославление.

Ра́дуйся, от тёмных страстей невозвратно удаливыйся;
Ра́дуйся, промыслом Божиим к реце Печензе преселившийся.
Ра́дуйся, обители Троицы Святыя зиждителю неусыпаемый;
Ра́дуйся, Слова Божия источниче неиссякаемый.
Ра́дуйся, сладость житейскую ни во чтоже вменивший;
Ра́дуйся, идольский мрак в последних земли упразднивший.
Ра́дуйся, Трифоне, // страны северныя просветителю, Печенжский чудотворче.

Кондак 2

Крест Христов взем, на покаяние изшел еси от юности твоея, /
яко разбойник, исповедаяся и слезя: / помани мя, Господи, во
Царствии Твоем. / Богу послужил еси, послушание монашеское
соблюл еси, / чистоту, смирение, нестяжание и терпение тяжкими
труды своими обрел еси. / Темже и мы, почитая тя, молим: /
преподобне отче Трифоне, помози нам в сих добродетелех пре-
успети / и Христу воспевати: // Аллилуиа.

Икос 2

Не восхотел Господь искоренити тщетнаго и суетнаго, / наказуя
наказа тя Господь, смерти же не предаде тя. / Ангелов подоб-
ника и бесов противоборца провидя тя всея твари Зиждитель, /
на покаяние огласи тя, яко втораго Павла, / и человеколюбно к
Себе призва. / Православным смыслом юношская возжеления
возненавидев, отче наш Трифоне, / клеветы и вои своя оставил
еси. / Мы же, видяще чудное Божие смотрение о призвании тво-
ем, / вопием ти сице:

Ра́дуйся, града Торжка священное и благое прозябение;
Ра́дуйся, от юности плотских страстей жестокое умерщвление.
Ра́дуйся, теснейшую бо воздержания стезею шествовавший;
Ра́дуйся, чад лопарских любомудренно воспитавый.
Ра́дуйся, пустынным житием в добрем изволении утверди-
вшийся;
Ра́дуйся, отсекати свою волю греховную научивыйся.
Ра́дуйся, вся красная мира сего ни во чтоже вменивший;
Ра́дуйся, житием жестоким плоть свою крепко смиривый.
Ра́дуйся, Трифоне, // страны северныя просветителю, Печен-
жский чудотворче.

Кондак 3

Бури океана хладна не убоаяся, / любовию Христовою согреваемъ, / в пустыню дивую вселился еси. / Постом, поклоны, стоянием на молитве, / бдением неустанным плоть свою умертвил еси, / в подвизах дневных и ночных течение совершил еси / и народ лопарский в вере наставил еси, / хлад и мрак душ их разгоняя, / во еже чистым сердцем и усты воспевати Богу: // Аллилуиа.

Икос 3

Яко истинный воин Христа Бога, / на страсти и козни бесовския вельми подвизался еси, / пощеньми строгими и слезными из глубины воздыханьми. / Ныне Свету Великому, яко венечник святой, предстоиши, / поминай изрядное твое достояние, / еже многими труды, отче, стяжал еси. / Да и мы, поминающе убо сия, / восклицаем ти:

Радуйся, яко благодать Божия излилася на тя богато;

Радуйся, истребивый мглу страстей невозвратно.

Радуйся, возгоревыйся истовым рачением к горнему;

Радуйся, яко ветвь твоя изыде от Лозы Иесеева кореня.

Радуйся, жестость пустыни лопарския зело возлюбивый;

Радуйся, во языке варваров тщету идолов обличивый.

Радуйся, Феодорита Кольскаго усердный соработниче;

Радуйся, Стефана и Евфимия достойный приемниче.

Радуйся, Трифоне, // страны северныя просветителю, Печенжский чудотворче.

Кондак 4

Вместо от места преходя, / бегая мирския славы от человек, / небесныя славы рачитель был еси, отче преподобне Трифоне, / в пустыни безчисленно приял еси от бесов всякая пустынная страхованья / в препятие спасению твоему. / Обаче лестных мечтаний и тяжких страстей мрак разгнав, / светом добродетелей возсиял еси, / во еже чистым сердцем и усты воспевати: // Аллилуиа.

Икос 4

Слышаще идолов посрамление от тебе, / злочестивии людий сих учителяе, нойды нарицаеми, / злобу велию воздвигоша на тя, преподобне, / по ланитома биюще, по каменем влачаще

и ины пакости деюще. / Мы же, зряще ты, со смиреніем такова
приёмлюща, / умильно вопиём ти:

Радуйся, в самый край земли северныя стопы своя устремивый;

Радуйся, козни лукаваго силою Божиею победивый.

Радуйся, яко слово твое язвит сердца, прелестию окамененная;

Радуйся, яко Павел от иудей, зашения приемый уничиженная.

Радуйся, яко мрежами твоими множество гибнущих душ
уловляется;

Радуйся, яко лица твоего светлостию слово Божие утверждается.

Радуйся, Ангела представителя страны северныя себе явивый;

Радуйся, пустынниче, мирскую славу ни во чтоже вменивый.

Радуйся, Трифоне, // страны северныя просветителю, Печен-
жский чудотворче.

Кондак 5

Боготечней звездѣ уподобився, / всю страну северную обтекл
еси, досточудне Трифоне. / Яко бо денница, солнцу прехо-
дящая, / от языка лопска привел еси ко Христу чад множество, /
иже со умилением сердца приемше крещение, / возопиша о тебе
Богу: // Аллилуиа.

Икос 5

Видение бе дивное, / егда от мрачна неведения языцы варвар-
стии, / тобою приведеннии, Христоу сочешася: / земля
бо Полнощная и небеса Райская ликоваша, / во струях Печенги и
Пазреки, аки Иордана и Днепра, / зряща множество крещаемых
и Христа славящих. / Сего ради вопиём ти:

Радуйся, гласе вопиющаго, к народу лопскому званный;

Радуйся, Крестителя Христова соседниче избранный.

Радуйся, яко тьма злобы полнощныя от тебе разорися;

Радуйся, яко трапеза бесовская ни во чтоже вменися.

Радуйся, многа чада водою и Духом родивый;

Радуйся, во Христе познании до века их утвердивый.

Радуйся, храмы святых в земли Печенжстей сотворивый;

Радуйся, равноапостольное служение в земли Кольстей нам
явивый.

Радуйся, Трифоне, // страны северныя просветителю, Печен-
жский чудотворче.

Кондак 6

Добродетелей труды и по́ты, Три́фоне, / поко́й со все́ми свя-
ты́ми прия́л еси́, / ихже возвесели́л еси́ своимъ жити́емъ, / при-
и́м о́браз а́нгельский, ве́лию оби́тель Святы́я Тро́ицы на Пе́чензе
созда́л еси́ / и мона́хов мно́жество собра́л еси́, / поя́ Христо́ви: //
Аллилу́иа.

И́кос 6

Отоше́л еси́, о́тче святы́й, во страны́ Вели́каго Но́ва гра́да / и
та́мо пребы́л еси́ нищ и проси́тель, / от гра́да во град, от ве́си
в весь страна́ствуя / и испроша́я ми́лостыни, я́же на пропита́ние
бра́тий посыла́л еси́, / я́ко ко́кош, собира́я семена́ для птенце́в сво-
и́х и пита́я вся це́лыя осмь лет. / Та́ко возсия́ во мра́це полно́щнем
оби́тель от тебе́ созда́нная. / Те́мже ра́дующеся вопи́ем ти:

Ра́дуйся, куку́лем, я́ко венце́м незло́бия, главу́ увязи́вый;

Ра́дуйся, вери́гами тяжки́ми чре́сла своя́ препоя́савый.

Ра́дуйся, я́ко Моисе́ову терпе́нию в пусты́ни подража́л еси́;

Ра́дуйся, я́ко оскуде́ние мона́стырское пода́янием исполня́л еси́.

Ра́дуйся, ка́меню, на не́мже оби́тель Пе́ченжская созда́ся;

Ра́дуйся, я́ко от тебе́ князь ми́ра возстена́ и во́инство его́ попраса́я.

Ра́дуйся, я́ко в жили́щих тьмы́ Све́т Невече́рний славосло́вится;

Ра́дуйся, я́ко песнь вели́кая в вы́шних трегубо́ песносло́вится.

Ра́дуйся, Три́фоне, // страны́ се́верныя просвети́телю, Пе́чен-
жский чудотворче.

Кондак 7

Глаго́лом си́ла Боже́ственная после́дующая познава́шеся / от
ца́ря Иоа́нна чу́вственне, / он же возлюбилъ е́сть нада́льну
оби́тель земли́ Пе́ченжския, / наипа́че же тебе́, преподо́бне, /
и, воздарова́в гра́мотою несуди́мою, / и бога́тно колокола́ми и
церко́вною у́тварию, / отпусти́л е́сть вели́кий Ца́рь с ми́лости-
вым призре́нием. / Ты же, дивя́ся тако́вому попече́нию Бо́жию
об оби́тели тво́ей, / воспева́л еси́ Бо́гу: // Аллилу́иа.

И́кос 7

Благочести́вому ца́рю Феодо́ру я́влься, о́тче преподо́бне, / от
сме́ртельнаго зла́го умы́шления́ сви́тцких не́мец / спасл еси́
сего́ руки́ прикоснове́нием, / о́ному же ты спаси́теля сея́ напа́сти
получи́ша, / и́мя тво́е уве́дети хотя́, / ты же и си́е возвести́л еси́. /

Сего ради чудодѣющему Богу / во святых Своих славу воссылаем / и ты, отче, ублажаем:

Радуйся, яко Великий царь пришествию твоему зело удивися;

Радуйся, яко явлением Божиим смотрения той возвеселися.

Радуйся, сильным мира сего чудодѣйственно явленный;

Радуйся, смирения ради от сих зело вознесенный.

Радуйся, Грозным царем достойне почтенный;

Радуйся, сыном царевым любезно одаренный.

Радуйся, яко государевою милостынею обитель твоя снабдѣся;
Радуйся, яко благочестием царей держава Российская превознесѣся.

Радуйся, Трифоне, // страны северныя просветителю, Печенжский чудотворче.

Кондак 8

Во граде Коле купи, отче наш Трифоне, / жерновы ручныя немалыя и тяжкия / и на рамах своих во обитель нести изволил еси. / Ученицы же молиша ты, да не трудишия излише. / Ты же рече им: / уне на выи своей обесивый осельский камень носить, / нежели братию празднством соблажнять. / И путем блаженным и гористым со бременем тяжким идяше, / в постѣ велицем пребывая, ни мало ядый, воспевая Богу, / подающему ти силы такыя: // Аллилуиа.

Икос 8

Единожды пришед в келлию твою, отче святыи, / медведь дивий и зело велик, / и начат уготованное тесто просфорное ясти. / Ты же именем Иисуса Христа повелел еси зверю: стань семо кроток. / И ста зверь пред ногами твоими недвижим. / Взем велие древо, бияше зверя, / и, наказав, завеща близ обители впредь не пакостити, / и отосла того в пустыню. / Мы же, дивящися силе Божией, / действующей в тебе благомощно, / вопием ти:

Радуйся, благодати исполненный, отонудуже повинуся тебе зверь дивий;

Радуйся, хранителем непрестаннаго воздержания бывый.

Радуйся, яко зверие лютии ты царя себе смиренно познаша;

Радуйся, яко Печенжская братия ты искусна предводителя прияша.

Радуйся, бодрствованию духовному многи иноки научивый;

Радуйся, уставы отеческия во обители крепко водворивый.

Радуйся, богомыслия и молчания изрядный хранителю;

Ра́дуйся, ко стяжа́нию благ небесных му́дрый руководи́телю.
Ра́дуйся, Три́фоне, // страны́ се́верныя просвети́телю, Пече́н-
жский чудотво́рче.

Конда́к 9

Пе́ние всеуми́ленное прино́сим ти, досточу́дне Три́фоне! /
Зижди́теля оби́тели на конце́ кра́я полно́щнаго / и кре́пка-
го наста́вника мона́хов тя почита́ем, / твоёю бо стезе́ю вои́стину
мно́зи пра́во ходи́ти позна́ша. / Блаже́н еси́, уго́днице Христо́в и
А́нгелов собесе́днице, / преподо́бных соприча́стнице и пра́вед-
ным единонра́вный, / с ни́миже моли́ся Го́сподеви, / поя́ пе́снь
немол́чную: // Аллилу́иа.

И́кос 9

Вои́стину сна́ твои́ма очима́ не дал еси́, / богоблаже́нне о́тче
наш Три́фоне, / ниже́ плоти́ твоея́ упоко́ения, / Бо́жиею си́лою
укрепля́емь, / связу́я мно́гая враго́в ополче́ния, / над страстьми́
воцари́лся еси́. / Те́мже попече́ние о па́стве твое́й прия́л еси́ / и
оби́тель чу́дную во и́мя Святы́я Тро́ицы созда́л еси́, / Ю́же моли́,
преподо́бне, дарова́ти ве́лию ми́лость / умильно́ ти вопию́щим:

Ра́дуйся, обра́зе пустынножи́телей и о́бщаго жити́я устроите́лю;
Ра́дуйся, ино́ческих уста́вов и о́бетов стро́гий блюсти́телю.
Ра́дуйся, лени́вых подви́гнувый твои́м нра́вам последова́ти;
Ра́дуйся, ревни́вых призва́вый Благода́ть Го́сподню изве́дати.
Ра́дуйся, я́ко ученицы́ твои́, Ио́на и Ге́рман, вы́ну почита́ются;
Ра́дуйся, я́ко игу́мен Гу́рий с бра́тией даро́в Ду́ха сподобля́ются.
Ра́дуйся, Святы́я Тро́ицы оби́тели усер́дный зижди́телю;
Ра́дуйся, преблагий́ и му́дрый бра́тства Пече́нжскаго учи́телю.
Ра́дуйся, Три́фоне, // страны́ се́верныя просвети́телю, Пече́н-
жский чудотво́рче.

Конда́к 10

Оби́тель во и́мя Живонача́льныя Тро́ицы устро́ил еси́, / бого-
му́дре о́тче наш Три́фоне, / а́ще бо и после́дде ле́ты ты но-
вопросвеще́нная страна́ Ко́льская возрасти́, / но дре́вних че́сти
сподобился еси́, / дарова́ния чудес́ досто́йно прие́м. / Во оби́те-
ли твое́й мона́хов мно́жества песносло́вят и право́рную ве́ру
хва́лят, / покаря́ющесе́ учени́ем Христо́вым, / Его́же моли́ спа-
сти́ся душа́м на́шим / и со святы́ми пе́ти: // Аллилу́иа.

И́кос 10

Яко в небесных чертозах / добродетели дом предуготовал еси себе, Трифоне, / и веселие, и радость, и славу вечную восприял еси, премудре, / и ныне воистину ясно зриши Святую Троицу / и токи чудес источаеши. / Сему Божию о тебе благоволению дивящися, / воспеваем ти сице:

Радуйся, Пресвятыя Троицы изрядный почитателю;

Радуйся, обители твоея присный пред Богом предстателю.

Радуйся, в отходную пустынь Успенскую с молитвою вселившийся;

Радуйся, богомыслием и молчанием на врага вооруживыйся.

Радуйся, великим отцем Соловецким в ревности равный;

Радуйся, от потопления морскаго спасателю славный.

Радуйся, благопотребне в Полнощней земли возсиявый;

Радуйся, Духом Святым чудес благодать источавый.

Радуйся, Трифоне, // страны северныя просветителю, Печенжский чудотворче.

Конда́к 11

По многих своих пустынных трудах, отче преподобне, / в старости мастите впадe в болeзнь и изнеможе зело. / Прешедшей же братии со игуменом Гурием рече: / не скорбите, братия моя, и в добрый путь течения моего не пресецайте, / и не любите мира, ни яже в мире, / все упование свое возложите на Бога. / Мы же, внимая премудрым словесем твоим, / вопием Богу: // Аллилуиа.

И́кос 11

Егда же приял еси конечно, отче наш Трифоне, / Пречистое Тело и Святую Кровь Христовы, / зело изнеможе, и прослезися, рече: / на обитель сию святую будет тяжкое искушение, / и от острия меча умучатся мнози; / но не ослабевайте, братия моя, упованием на Бога: / не оставит бо жезла грешных на жребии Своем и паки обновит обитель. / И просветися лице твое / и предаде святую душу свою, Святей Троице теплый служителю и Пречистой Богоматери благодарен. / Мы же, взирая на блаженную кончину твою, / вопием ти сице:

Радуйся, в старости мастите ко Христу преселившийся;

Радуйся, до конца жития во обители потрудивыйся.

Ра́дуйся, яко тобо́ю ча́да лопа́рская вла́сти идо́льския изба́вишася;

Ра́дуйся, яко бра́тия твоя́ Христу́ чи́стыми преду́ставишася.

Ра́дуйся, беду́ гряду́щую и день лю́т в Бо́зе я́сно созерца́й;

Ра́дуйся, обита́ли твое́я разоре́ние в Ду́се предпри́явый.

Ра́дуйся, и по отше́ствии сво́ем обита́ль, яко роди́тельник, соблюда́й;

Ра́дуйся, в невече́рном дни Ца́рствия Бо́жия при́сно почи́ваяй.

Ра́дуйся, Три́фоне, // страны́ се́верныя просвети́телю, Пече́нжский чудотво́рче.

Конда́к 12

Возсия́ днесь пресве́тлая и всепра́зднственная па́мь твоя́, пресла́вне Три́фоне, / созыва́юща мно́гочисленное по́стников сосло́вие, и преподо́бных ликостоя́ния, / и мона́хов ве́лие бра́тство, / ко́их стра́сти душетле́нныя успи́л еси́, блаже́нне, / бо́дренными бде́нии, моли́твами непреста́нными и кре́пким поще́нием, / и сих ра́ди в черто́г Небе́сный ча́да своя́ всели́л еси́, богому́дре Три́фоне, / с ними́ вку́пе по́я Бо́гу: // Аллилу́иа.

И́кос 12

Па́мь твою́ творя́щим свяще́нную, о́тче Три́фоне, / не пре́ста́й со все́ми святы́ми земли́ Ко́льския / моли́ти Христа́ Изба́вителя дарова́ти согреше́нием оставле́ния / и Небе́сное Ца́рство восприя́ти, / иде́же глас пра́зднующих весели́т вся, / и восхваля́ющих тя, версто́ предобра́я, / от всех лю́тых спаса́й, / си́це взыва́ющих ти:

Ра́дуйся, Пресвяты́я Тро́ицы ве́рный служи́телю;

Ра́дуйся, на небесе́х о на́с те́плый предста́телю.

Ра́дуйся, моле́ниями тво́ими де́монов тьму́ разогна́вый;

Ра́дуйся, стра́сти душетле́нныя всеконече́но попра́вый.

Ра́дуйся, во́ине добропобе́дный, Христо́во прославление́;

Ра́дуйся, обита́ли Пече́нжския сла́во и удобре́ние.

Ра́дуйся, мона́шескаго жити́я в послéдних земли́ первоначальни́че;

Ра́дуйся, Це́ркви на́шея похвало́ и те́плый пред Бо́гом печальни́че.

Ра́дуйся, Три́фоне, // страны́ се́верныя просвети́телю, Пече́нжский чудотво́рче.

Конда́к 13

О, преподо́бне и досточу́дне о́тче на́ш Три́фоне! / Живона-
ча́льней предсто́я Тро́ице / в непристу́пнем све́те и ра́дости
неизглаго́ланней, / приими́ си́е от умиле́ннаго ти се́рдца возно-
си́мое хвале́ние / и не преста́й моля́ся о на́с, / да поживше благо-
че́стне, по успе́нии на́шем срéтени от тебе́ обря́щемся на небе-
се́х / и воспоём Бо́гови со А́нгельскими ли́ки: // Аллилу́иа.

Э́тот конда́к чита́ется три́жды, зате́м и́кос 1-й и конда́к 1-й.

И́кос 1

А́нгелы Сво́я страна́м и язы́ком предста́тели дарова́вый Бог, /
А́гда при́иде вре́мен исполне́ние, / моле́ния ра́ди А́нгела зем-
ли Ко́льския, я́же близ оке́ана хла́дна, / и наро́да ло́пска предста́-
теля, / призва́ тя во благове́стие, всехва́льный Три́фоне, / я́ко да
спасе́ни бу́дут лю́дие тии. / Помина́юще у́бо сия́, вопие́м ти:

Ра́дуйся, священна́го ко́рене благо́е прозябе́ние;

Ра́дуйся, оби́тели Пе́ченжския свято́е прославление́.

Ра́дуйся, от те́мных страсте́й невозврати́то удали́выйся;

Ра́дуйся, про́мыслом Бо́жиим к ре́це Пе́чензе пресели́выйся.

Ра́дуйся, оби́тели Тро́ицы Святы́я зижди́телю неусыпа́емый;

Ра́дуйся, Сло́ва Бо́жия исто́чнице неиссяка́емый.

Ра́дуйся, сла́дость житейску́ю ни во что́же вмени́вый;

Ра́дуйся, идо́льский мрак в послéдних земли́ упраздни́вый.

Ра́дуйся, Три́фоне, // страны́ се́верныя просвети́телю, Пе́-
ченжский чудотво́рче.

Конда́к 1

Избра́вшу тя Пастыренача́льнику Христу́ во апо́стола страны́
се́верныя, / а́бие отри́нул еси́, досточу́дне Три́фоне, / ми́ра
сего́ кра́сная, / претерпе́л же вся́ко озлобле́ние, / благовести́л еси́
седа́щим во тьме и се́ни сме́ртней Бо́га, явля́шагося плóтию: /
те́мже со апо́стола сра́дуется дух твой в небе́сных оби́телях. /
Име́я у́бо дерзнове́ние ко Христу́ Бо́гу на́шему, / от вся́ких бед
изба́ви нас зову́щих: /

Ра́дуйся, Три́фоне, // страны́ се́верныя просвети́телю, Пе́-
ченжский чудотво́рче.

ЖИТІЯ

святому преподобному Трифону, Печенгскому чудотворцу

О, Всесвятія Троицы сла́вный уго́дник, о, блаже́ннейший и равноапосто́льный па́стырю, преподо́бне о́тче наш Трифо́не! Не забу́ди па́ствы твоея́ и помина́й во святы́х твои́х и богоприятных моли́твах ста́до твое́, е́же сам прише́ствием твои́м собра́л и упасл еси́.

Вемы́ бо, уго́дник Божий, како́ правосла́вным смы́слом юношская возжелéния возненави́дев, клеврéты и вои́ своя́ оста́вил еси́. Ангелов подобника́ и бесо́в противобо́рца прови́де ты всея́ тва́ри Зижди́тель, на покая́ние огласи́ ты, яко́ втораго́ Павла, и человеколю́бно к Себе́ призва́, привéд ты в кра́й Се́верныя страны́, иде́же просвети́л еси́ ты святы́м крещéнием неведущи́й Творца́ лопарский́ ро́д, за е́же во утвержде́ние христиа́нския вéры мно́га изгна́ния и злоключéния подъя́л еси́.

И, близ реки́ Печенги́ в пусты́ню всели́вся, бра́тию из мно́гих гра́дов и вéсей собра́в, вéлию обите́ль Святы́я Троицы́ воздви́гл еси́, и при отше́ствии к небéсным селéнием о посещéнии твоея́ обите́ли проро́чества да́р от Бо́га восприя́л еси́. По сконча́нии твоём мно́га чудеса́ и цельбы́ с вéрою прося́щим ты на мо́ри и на су́ши сотвори́л еси́ и до днé сего́ твори́ши.

Тёмже мо́лим ты, достохва́льне о́тче, не забу́ди присещáти ча́д твои́х, приходя́щия к тебе́ с вéрою. Яко́ имéяй дерзнове́ние к Безсме́ртному Царю́ Христу́ всех Бо́гу, не премолчи́ за ны́ и не прэ́зри нас, вéрою и любóвию чту́щих ты́ и с любóвию помина́ющих святу́ю па́мять твою́.

Аще́ бо ты тéлом и преста́вился еси́ от нас, и мо́щи твоя́ незри́мы нам су́ть, но и по сме́рти, живы́й дү́хом, вы́ну чудодéйствуеши. Моли́твами твои́ми сохраня́й нас от стра́ха но́щнаго́ и стрелы́ летя́щия во дни, от прéлести бесо́вския́ и от вся́ких враг ви́димых и неви́димых.

О, па́стырю наш до́брый! Поне́же вы́ну в Троице́ сла́вимо́му Бо́гу при Престо́ле Его́ непостижи́мага вели́чества неотсту́пно в моли́твах предстои́ши, того́ ра́ди усéрдно к тебе́ прибега́ем и мо́лимся: испроси́ нам вре́мя к покая́нию, да в час исхо́да ду́ши прейде́м от земны́х к небéсным, мыта́рств же возду́шных и вéч-


ныя мўки изба́вимся и Вѣчному Царствію Христову со всіми от вѣка Бо́гу угоди́вшими наслѣдницы бѹдем.

О, преблаже́нне и преподо́бне о́тче наш Трифоне! Не прѣзри и ны́не нас, притека́ющих к тебѣ, я́ко да моли́твами твои́ми и по́мощію спаса́ем, сла́ву и благодарѣ́ние, хвалу́ и поклонѣ́ние за вся в Тро́ице Еди́ному Бо́гу, всех Созда́телю возсыла́ем, Отцу́, и Сы́ну, и Свято́му Ду́ху, ны́не, и прісно, и во вѣки веко́в.

Ами́нь.

Величание:

Ублажа́ем тя, / преподо́бне о́тче наш Трифоне, / и чтим равно-
апосто́льныя труды́ твоя, // наста́вниче мона́хов и собесѣд-
ниче Ангелов.



ЯВЛЯЕТСЯ И СЛУЖБА
ПРЕПОДОБНОМУ ТРИФОНУ
ПЕЧЕНГСКОМУ ЧУДОТВОРЦУ

Корректор – Анастасия Бочарова
Прориси икон – Инна Куксенко
Дизайн и оригинал-макет – Ольга Колчина

В электронном виде издание размещено
на официальном сайте Мурманской епархии:
<http://mmeparh.cerkov.ru>
в разделе «Книги митрополита Митрофана».

Сделать заказ можно:

- по электронной почте: eparhia_murmansk@mail.ru;
- по телефонам: +7-960 028 6677,
+7(8152) 25-97-61 или +7(8152) 25-53-38;
- на почтовый адрес: 183010, Мурманск, ул. Зеленая, 11.

Издательство Мурманской епархии
Мурманская митрополия
Русской Православной Церкви (Московский Патриархат)

ББК 86.372.24-50

Подписано в печать 10.08.2023
Формат 70 x 100 1/8. Тираж 300 экз.

Отпечатано в ООО «Типография «НП-Принт»
197110, Санкт-Петербург, Чкаловский пр., 15, тел. +7 (812) 325-22-97



Мурманская епархия